



# Lögreflufélag Reykjavíkur

stofnað 16. desember 1935  
Brautarholti 30, Rvík sími:562-8760.

Reykjavík 26.04.1996

Nefndadeild Alþingis  
Þórshamri v/Veltusund  
150 Reykjavík.

*Alþingi*  
*Erindi nr. Þ 120, 1717*  
*komudagur 29/4 1996*

**Varðar: Frumvarp til lögreglulaga, 451. mál.**

Stjórn Lögreflufélags Reykjavíkur sendir hér með umsögn eða tilvísun í umsögn um frumvarp til lögreglulaga, 451. mál.

## Niðurstaða stjórnar Lögreflufélags Reykjavíkur:

Stjórn LR hefur fjallað um frumvarp þetta og rætt á mörgum fundum. Niðurstaða stjórnar er samhljóða umsögn framkvæmdastjórnar Landssamband Lögreflumanna og gerir stjórn LR hana að sinni.

Þó eru eftirfarandi atriði sem stjórn LR vill draga fram:

1. Stjórn LR telur að þeir fjármunir sem ætlaðir eru til að mæta auknum kostnaði embættis lögreglustjórnans í Reykjavík vegna flutnings á verkefnum til embættisins séu stórlega vanáætlaðir og óttast að þeir útreikningar sem þar eru lagðir til grundvallar séu ekki byggðir á traustum grunni. Má nefna þá tæknideild sem ætlunin er að setja á stofn hjá embætti lögreglustjórnans í Reykjavík að í fylgiskjölum er rætt um að embættinu verði tryggð fjárveiting svo að aðrir þurfi ekki að greiða fyrir þjónustu þeirrar deildar. Fráleitt er að sú trygging sé innifalin í þeim 58 milljónum sem koma á í hlut lögreglustjórnans í Reykjavík. Stjórn LR fer fram á að úttekt fari fram af hlutlausum aðili þar sem allir kostir og gallar þessa flutnings séu metnir sem og raunverulegur kostnaður. Einnig að samskonar úttekt fari fram á embætti lögreglustjórnans í Reykjavík sem meti útgjaldþörf embættisins bæði fyrir og eftir fyrirhugaða breytingu með bætta úrvinnslu verkefnana að leiðarljósi.

Breyting í þessa veru þ.e. að leggja RLR niður og færa að stærstum hluta verkefni til lögreglustjórnans í Reykjavík hlýtur að vera sprottin af þeirri þörf að gera vel við verkefnið þ.e. að unnt sé að gera betur í rannsóknum brota. Það hins vegar gerist ekki af sjálfu sér og kostar peninga. Ef ráðuneytin halda að unnt sé að spara á þessum breytingum munu þau komast að hinu sanna þó síðar verði en á meðan þurfa margir að þjást fyrir og skömmin af slælegum árangri verður væntanlega lögreglunnar í Reykjavík.



# Lögreglufélag Reykjavíkur

stofnað 16. desember 1935

Brautarholti 30, Rvík sími: 562-8760.

Þá harmar stjórn LR að ekki skuli vera með beinum hætti komið inn á málefni sérsveitar, ávana og fikniefnadeildar og þjóðvegaeftirlits og þeim markaður vettvangur með skýran og tryggan fjárhag svo aðrir þurfa ekki að greiða fyrir þá þjónustu sem þeir inna af hendi eins og segir í fylgiskjali. Þá telur stjórn LR ekki nægjanlega gert í því að skilgreina og skipta niður þeim kostnaði sem hlýst af komu þjóðhöfðinga hingað til lands. Ótækt er að mati LR að það sé árvissst að dregið sé úr aukavinnu, og þannig dregið úr framfærslumöguleikum starfsmanna, til að mæta útgjöldum vegna heimsókna erlendra þjóðhöfðingja.

Stjórn LR vill skora á ríkisvaldið að tryggja embætti lögreglustjórans í Reykjavík þá fjármuni sem til þarf. Taka verður tillit til þess gegnumstreymis sem höfuðborgin er og ef einhver vilji er fyrir hendi hjá stjórnvöldum til að takast á við afbrotamál almennt verða þau fyrst að viðurkenna vandann og leggja fram fjármuni í samræmi við raunveruleikana.

2. Stjórn LR vill gera eina athugasemd við frumvarpið sem ekki kemur fram í athugasemdum LL en það er við 16.gr. Við 2.tölulið bætist eftirfarandi:

**Skýra skal handteknum manni tafarlaust frá rétti sínum samkvæmt 3.mgr.32.gr.  
Lnr.19/1991 og 1.mgr. 36.gr. sömu laga.**

LR telur að það sé mikil nauðsyn fyrir lögreglumenn sem starfa á götunni að reglur séu ljósar og enginn vafi þar á ferð. Nokkur óvissa hefur ríkt meðal lögreglumanna hvenær eigi að skýra handteknum manni frá réttarstöðu sinni og reglur um þetta hafa verið misvísandi á milli embætta. Lögfræðingar hafa túlkað þær reglur sem fyrir eru á misvísandi hátt.

Stjórn Lögreglufélags Reykjavíkur vill að öðru leyti vísa á og styður einhuga niðurstöður framkvæmdastjórnar Landssambands Lögreglumanna.

Virðingarfyllst,

f.h. stjórnar Lögreglufélags Reykjavíkur

Gunnar Sigurðsson varaformaður LR